

四庫全書

子部

欽定四庫全書

子部

元和姓纂卷六

詳校官中書_臣金應珪

員外郎_臣牛稔文覆勘

膳錄監生_臣王人作

欽定四庫全書

元和姓纂卷六

上聲董韻至阮韻

唐林寶撰

一董

董

黃帝之後已姓國有飄叔安生董父舜賜姓董氏晉有董安于漢有董仲舒清河廣川人後漢有捷為人

案通志後漢有董宣董鈞宣陳留人鈞捷為人此蓋脫名

晉有董京董養

隴西漢江都相董仲舒少子安子孫自廣川徙隴

西裔孫繇生昭昭七代孫德林北齊匡城令又居匡
城曾孫寶亮安西都護隴州刺史天水公生元質元
琬元質右門監將軍生憬忱慎恒惲憬軍器監生珣
琬瑜琬度支郎中晉陵太守江南東道採訪使慎右
常侍生璿恒通州刺史隋驍騎將軍順政公董純純
孫恭訓唐海陵縣令

宏農 隋有隨州司馬董泚生慶慶生感感生敬元
倉部郎中幽州刺史生庭琰

河東 狀云仲舒之後唐右僕射平章事董晉全
道溪全素解全道殿中少監溪倉部郎中全素太子

中書舍人

按唐世系表解
太常寺太祝

范陽 京兆尹董叔經右史董思恭范陽人檢校司
空平章事秦亦范陽人大厯賜姓李氏改名忠臣從
朱泚反伏誅

孔

孔姓殷王帝乙長子微子啓受封於宋弟微仲衍魯

孫慙公生弗父何何生宋父周周生世父勝勝生正
考父正考父生孔父嘉子孫以王父字為氏孔父生
子木金父木金父生罍夷父罍夷父生防叔仕魯為
大夫生相夏夏生鄒叔梁紇紇生邱仲尼三歲父卒
十九歲娶宋丕官氏一歲生鯉字伯魚孔子為魯司
寇攝相事居鄒邑平鄉闕里魯哀公十六年卒年七
十二伯魚年五十先仲尼卒伯魚生伋字子思子思
為魯繆公師作中庸及子思子四十七篇以祖業授

弟子孟軻等俱生子上白白生子家求求元孫允為
魏相生鮒為陳涉博士五代孫吉封宋公吉八代孫
潜潜生竺吳南昌太守允次子騰騰生襄襄生忠忠
生武安國

按唐世系表武生延季大將軍太傅延季生霸

武孫霸生漢丞相

博山侯光

會稽山陰 後漢末潜避地會稽遂為郡人潜子竺

生恬愉晉僕射餘不亭侯生閭安國閭生晉尚書令
靖靖五代孫真陳吏部尚書生紹安唐中書舍人生

構構生若思禮部侍郎仲思給事中若思生至著作
郎構弟禎禮部員外安國晉左僕射五代孫範陳都
官尚書範從祖弟德仁仁孫唐端州刺史竺次子冲
七代孫梁都官尚書休源源魯孫德紹德紹生唐膳
部郎中昌太子賓客述睿述睿生敏行

魯國 武孫霸霸魯孫均漢封哀聖侯晉封奉聖侯
魏封崇聖侯隋汴侯唐朝哀聖並奉孔子祀武德時
均十六代孫褒聖侯德倫德倫魯孫褒聖侯齊卿仲

尼三十八代孫

下博 狀云本出魯國十七祖漢下博侯陽因居冀
州下博裔孫唐國子祭酒曲阜子穎達生志元志約
志亮志元國子司業生惠元國子司業後拜春官侍
郎生立言春言立言祠部郎中春言黃州刺史志約
禮部郎中生琮洪州都督志亮中書舍人生珪穎達
族元孫巢父給事中御史大夫兄子幾戡戡幾給
事中戡殿中御史戡庫部員外

常山 處州刺史孔令斌代居恒州生垂寶河內尉
南陽 本梁人云仲尼之後孔愉從弟羣官至御史
中丞生沈沈孫琳春秋衛卿孔圉生悝鄭穆公公子
嘉字子孔子孫亦為孔氏孫張並不詳其後

孔父 宋大司馬孔父嘉亦為孔氏

按此係雙姓
誤為郡望

二腫

鞏

左傳周卿士鞏簡公晉鞏朔漢侍中鞏攸

陽翟 唐戶部郎中鞏宏武陽翟人

三講

項

左傳云滅項公羊傳曰為齊桓公所滅子孫以國為氏項橐八歲服孔子項燕下相人為楚將子梁梁兄子籍號西楚霸王項他項伯項襄並籍之族也漢初並封侯賜姓劉氏

隴西金城 後周有項亶周武帝賜姓辛氏孫義周

唐屯田郎中

四紙

紙

左傳楚左紙相之後

按左傳楚無紙相

是

吳志云是儀本姓氏孔融嘲儀曰氏字民無上乃改
為是因姓是焉仕吳官侍中都亭侯天寶秘書少監
是光又改姓齊氏

綺

左傳殷人六族有綺氏漢書藝文志洛陽綺華後漢
荊州刺史綺嵩

倚

漢四皓隱商山號倚里先生倚相氏後

案漢書顏師古注作綺里

季此作倚里先生未詳所本

翫

纂要文云人姓史記夏后氏姓

薦

晉士薦之後以王父字為氏

闕

國語有闕大夫

遠

左傳楚大夫遠章之後有遠子馮遠掩

芊

楚姓祝融子季連之後漢初楚懷王孫心項羽封為

楚懷王後為義帝

南郡 隋右衛將軍羊雄曾孫端唐金吾將軍

技也

西部大人代為首帥後魏初各依舊號為技也氏後
魏護軍將軍臨江伯技也鋤石生說諛內部尚書孫
爾歸生平右衛將軍生恭長文義北齊侍中隋信州
總管新寧公文義生是唐鳴水令恭隋丹州別駕生
寶倫唐興國別將

尔朱

其先契胡部落大人代為酋帥居尔朱川因以為氏
後魏有羽健秀容三百里封之以為世業

尔綿

魏蠕蠕渠帥綿他拔尔綿來降改為綿氏

是婁

南燕有徐州刺史是婁盧

是賁

改為兒氏

是云

改為高氏

是奴

改為封氏

芊尹

楚大夫芊尹申無字之後

五旨

履

見姓苑

姁

方几反見纂要文云人姓

壘

後趙錄有壘澄本姓裴改焉

水邱

吳興人

六止

史

周太史史佚之後以女弟為戾太子良娣生史皇孫
進進生宣帝恭子高元

建康史氏 今隸酒泉郡史丹裔孫後漢歸義侯苞
之後至晉永嘉亂避地河西因居建康苞裔孫寧後
周安政公生祥隋城陽公祥弟雲期雲生令卿唐祠
部郎中杭州刺史

宣城 丹孫均均子崇自杜陵受封溧陽侯遂為郡人崇裔孫宋樂鄉令瓌瓌九代孫務滋唐納言溧陽子孫翹御史大夫又江州刺史史道元亦云崇之後也

高密 史丹之後有史曇曇曾孫節唐禮部侍郎京兆 丹裔孫璜留長安隋左領大將軍萬歲狀稱璜十二代孫寶唐鄜州都督原國公

陳留考城 今隸曹州後漢京兆尹敞生弼今無聞

河南 本姓阿史那突厥科羅次汗子生蘇尼失入
隋封康國公懷德郡王生大柰子仁表駙馬生忠左
驍衛大將軍薛國公忠生晡宋州刺史晡生思元右
金吾大將軍思元生震晉巽泰震右監門將軍生宏
寧寂容寧寂生備容冀王傳巽光祿少卿泰蜀州刺
史生寅審審吉州刺史

如

官氏志渴侯氏改為如氏

紀

姜姓炎帝之後封紀為齊所滅以國為姓漢有紀信
弟成子通封襄平侯

丹陽秣陵 吳有紀騭生瞻晉侍中驃騎大將軍

天水上邽 隋司農少卿紀和整生士騰隋翼州刺

史士騰生儼及儼唐雍州司倉參軍生先知先知生

逵吏部郎中給事中判御史中丞生黃石黃石生經

戶部郎中經生謙咸及荊州刺史生處訥地官侍郎

太府卿平章事侍中千乘伯

士

帝堯之允杜伯之子隰叔為晉士師至士蒞為生伯成
缺缺生會會子孫氏焉後漢末交趾太守士燮

河南

隋刑部侍郎

案此
脫名

士燮後生義總唐戶部郎中

杞

姒姓夏禹之後周武王封東樓公於杞後為楚所滅
子孫氏焉

齊郡 齊有杞殖字梁今齊州有杞氏

侯

風俗通侯子著書六國時人

河南 後魏獻帝以次子為侯亥後改為侯氏官氏
志侯奴氏改為侯氏

子

帝嘗之允殷湯子姓風俗通云左傳有子鉏商

按左傳叔

孫氏之車子鉏商杜注車子微者鉏商名此文傳會不合鄭大夫子人九

里

本理氏春秋時改焉晉有里克魯有里革鄭有里析
後居襄城者又為里相

理

咎繇為堯理官子孫遂為理氏殷宋有理徵

恃

齊有恃乙管仲誅之

子玉

衛大夫子玉霄之後秦穆公時大夫有子玉房

子桑

魯大夫子桑伯子之後見論語秦公孫枝字子桑其
後氏焉莊子有子桑樗

子我

曹叔孫成子生申為子我氏衛大夫有子我羽人

子叔

世本魯文公生惠伯叔肸叔肸生聲伯嬰齊嬰齊生

叔老子叔子叔生叔弓叔弓生仲南文楚及伯張穆
伯定伯為子叔氏

子夏

陳宣公生子夏其姨生御叔已師已師生子南徵舒
徵舒生惠子晉晉生定子御冠為子夏氏

子有

魯有若字子有之後見禮記宋有子有恭叔

子雅

齊惠公孫子雅之後見英賢傳又魯季桓子生武叔
竈亦為子雅氏霄為齊上卿

子囊

左傳齊大夫子囊帶之後

子家

魯公族子家氏魯大夫子家羈懿伯

子革

世本宋司城子革之後又曰季平子支孫為子革氏

子州

莊子堯以天下讓子州支父舜以天下讓子州支伯

子孟

魯公子孟之後見英賢傳齊簡公時子孟卿為大夫

子建

楚平王太子建之後頃襄王時有子建叔子為大夫

子伯

左傳衛大夫子伯季之後魏有子伯先子夏門人居

西河

子庭

芊姓楚公子午字子庭後又子庭氏魯大夫以字為氏

子尚

世本陳僖子生廩邱子尚意茲因氏焉國語鄭大夫

子尚伯文

子彊

衛公族昭子郢之後

按此疑亦採自世本

子郢

世本衛公族昭子郢之後

子寤

陳僖子生宣子其後為子寤氏

子輿

陳桓子生子石難為子輿氏

子干

魯季平子干叔彭侯之後

案古今姓氏辨證云此條姓纂有氏無解此句係後

子成氏之文誤繫於此
今子成氏條亦遺失

子季

楚公族也

子羽

晉公族子羽後為楚邑大夫

子陽

魯公族有子陽者其後以王父字為氏

子尾

齊惠公生子高祁祁生子尾薑因氏焉

子重

楚公子重字嬰齊子重之後

子午

世本楚公子午之後齊大夫子午明

子旗

齊惠公孫欒施字子旗子孫以王父字為氏

子獻

世本陳桓公孫子獻之後風俗通云齊大夫子獻之後楚文王時子獻遼為大夫

子乘

楚屈蕩生子乘因氏焉

子華

莊子韓有子華子因氏焉

子言

季平子生昭伯寤之後也

子齊

衛公族子齊氏

子蕩

世本宋威公生子蕩因氏焉

子枋

陳僖子生穆子安為子枋氏

子宋

陳宣公生子楚其後為子宋氏

子扁

莊子有子扁子

子工

世本齊頃公子子工之後

子鞅

陳僖公子生簡子齒為子鞅氏

子揚

世本季桓子生穆叔其後為子揚氏

子芒

世本陳僖子生子芒盈因氏焉

士孫

漢書平陵士孫張為博士揚州牧明梁邱易生仲徹
長安令左馮翊生苞苞生充曾孫奮為郡五官掾六
代孫睦後漢宏農太守生瑞尚書令瑞生萌字文始
儀郎灌津侯生賢穎

士為

隰叔生士為為晉士官

案士官當是司空字誤

夫孫因為氏

士思

古今人物表晉有士思癸鄭有士思卜秦將軍士思

穆

士丐

晉大夫士丐之後

士吉

晉大夫士為生吉為士吉氏

士成

莊子有士成綺也

士弱

晉士莊子弱為獄官晉人謂之士弱氏

士華

齊隱者士華太公誅之

案太公誅華士
非士華亦非姓

史葉

韓例云衛頃侯之後公子史食采於葉因氏焉左傳

作史華

按韓例未詳

史晁

世本衛史晁之後

似和

貞觀左屯衛穀州刺史似和泥熟亦北蕃歸化也

案通

志泥熟乃蘇農氏此作似和誤又開元中有左威衛大將軍赤水軍副使武威公似和舒

市南

楚有市南熊宜僚後以為氏

已氏

宋大夫司馬已氏之後

侯呂鄰

改為呂氏

七尾

尾

魯尾生或云即微生高也

尾勺

後漢尚書郎尾勺携吳志云尾勺子張昭師也

八語

許

姜姓炎帝四嶽之後周武王封其裔孫文叔於許後為楚所滅子孫分散以國為氏晉許偃楚許伯鄭許瑕

高陽北新城縣今入博陵郡漢大司農許據生允

魏中領軍允孫式式長子皈

按唐世系表皈作販

生晉徵君詢

詢元孫懋有傳懋孫善心隋黃門侍郎生唐中書令
高陽公敬宗敬宗生昂昂昱杲景昂虔化令生彥伯
韶伯彥伯太子舍人生望右羽林將軍望生遠侍御
史睢陽太守遠生峴袁州刺史韶伯左屯衛將軍蘇
州刺史平恩公昇明堂令景土部郎中判羽林大將
軍式次子邁晉東海太守號北祖曾孫彥後魏侍中
相州刺史孫安中書侍郎生恂惇恂曾孫本行唐給
事中遜生文宗

按遜字上有脫文
文宗下應有智玉

文通文宗生正言

唐監察御史智王生知禮殿中御史文通生向葱監
察御史惇字季良北齊左僕射生文紀

汝南平輿縣 後漢功曹許邵居邵陵縣漢太尉祭
酒許慎今並無聞

安陸 狀稱詢五代孫君明梁楚州刺史入周徵不

起法光

案唐世系表君明生宏周
宏周生法光與此不符

岳州刺史生紹唐

陝州刺史譙公生善伯裔智仁圉師善隋宣城郡主

簿生力士洛州長史

案唐世系表
長史作刺史

生欽寂欽明欽淡

欽寂夔州長史生輔德輔乾乾右金吾大將軍光
祿卿生諫論詵諷諫河南丞論監察御史詵歸州刺
史諷監察御史輔德宕州刺史欽明涼州都督安西
大都護生戒言戒非戒惑都官郎中鴻臚少卿生子
房季常子端季常萬年丞子端岳州刺史戒言太僕
卿右武衛大將軍生子餘壽州刺史欽淡深州刺史
生叔冀淄青陳留節度兼御史大夫生孝常亳州刺
史淡姪孫仲容鄧州刺史生志倫志雍志雍兼監察

御史智仁右屯田將軍懷州刺史許昌公園師黃門

侍郎同三品平恩公左丞戶部尚書生自持

案唐世系表自

持作自牧自遂自正自正澤州刺史會稽陽羨稱高陽同

祖後漢諫議大夫許武武孫馘太尉今無聞

晉陵 漢徐州刺史聖卿皇太子洗馬許叔牙其後

也生子儒唐天官侍郎生臨謙鳴謙臨謙右卿相將

軍曹州刺史撫州刺史鳴謙本高陽人也詢之後又

家陳留生孟容仲興季同孟容兵部侍郎京兆河南

尹仲興國子司業季同金部郎中

中山 狀云許兆之後居中山北齊武川鎮將許彪
生康康生緒洛仁緒太府少卿蔡州刺史左常侍孫
義均生景先中書舍人工部侍郎景林司講郎洛仁
左監門將軍

太原 狀云許邵之後因官居太原唐太僕少卿貝
州刺史太寶生謨刑部郎中許自新祠部員外許偉

褚

子姓殷後宋共公子石為褚師因氏焉漢相褚大

紫通

志褚大漢梁相此有脫字元成間褚先生少孫並以儒學稱焉

河南陽翟後漢褚重始居河南晉褚碧安東將軍

褒兗州刺史贈太傅女晉康帝后生穆帝曾孫秀之

晉侍中生湛之法顯湛之左僕射生彥回齊司徒彥

回生綦綦度支尚書法顯生炫齊侍中吏部尚書曾

孫玠御史中丞生亮唐左散騎常侍陽翟侯亮生遂

賢遂良遂功遂年遂賢邠王友生兼藝永州司功兼

藝生璆璆璆更部郎中璆給事中常州刺史璆京兆士曹生元方大理評事遂良中書令河南文忠公生彥甫彥冲彥季彥甫秘書郎生僑休彥冲城門郎生倫儼彥季千牛將軍生如松司農少卿遂年生鳴謙

錢塘 與河內同祖漢末褚盛為鹽官因居由拳生泰仕吳封錢塘臨平侯又居焉裔孫義宗尚書沈叔安外孫也生無量國子祭酒管國公生廷訓廷詢廷

誨廷詢駕部郎中廷誨給事中無量五從姪思光虞
部郎中生鉅長孺司勳員外

呂

炎帝姜姓之後虞夏之際封呂今南陽宛縣西呂亭
是也至周失國子孫氏焉太公號呂望周有呂侯秦
呂不韋單父人呂公女為漢祖皇后封臨淄侯

東平 呂侯之後魏呂處居任城官至徐州刺史七
代孫述後燕尚書左丞皇安承慶述七代孫也生炯

焯烟膳部郎中諫議大夫左庶子焯左補闕後魏東

平太守呂行均亦云虔之後六代孫雄黃左十四監

生崇粹粹兵部郎中諫議大夫生詔進士

按唐世系表詔作詒

京兆後魏定州刺史范陽公呂祥狀云本出東平

生真周趙州刺史房子公曾孫武生整右衛將軍滿

州刺史生懷人

馮翊狀云本望東平後居馮翊蒲城北齊虞州刺

史東平公呂晟生和岐州刺史和生紹宗唐領軍大

將軍涼州都督紹宗生休璟休琳休璟左領軍將軍
北庭都護休琳生廣太子舍人廣生洞太常博士

河東 黃門侍郎平章事呂誼生仁本春卿冬卿春
卿尚書奉御諲兄子季重歙州刺史中書舍人呂太
一趙州刺史呂延之生謂勣謂潭州刺史湖南觀察
生溫宗禮溫戶部郎中衡州刺史侍御史呂守素監
察御史呂需生長輕右衛兵曹長輕生亢膺右司郎
中諫議大夫新豐尉呂令問丕監察御史呂暕生崇

質崇賁崇質殿中少監生遼建建防州刺史崇賁劍
南河南嶺南成都河中節度鄆國公生遐超暕弟賜
右武衛將軍

諸郡呂氏 右翊郎將呂元播臨汝人又家緱氏生
彬渭輔弼彬生牧庫部郎中澤州刺史牧生吳頴鑄
榮渭輔生敞監察御史起居郎司更大夫呂才博州
清平人著隋紀二十卷刪陰陽書五十三卷一子方
毅右拾遺呂因汝州人生皆著作佐郎虢州司馬侍

御史呂元嗣陝州人清池令呂處真絳郡人又家京兆生元晤元智元璿元晤陳王傳光祿卿生同正鄆鄆州刺史同正生逖造崇訓女適將軍高力士崇訓太子家令生回京兆倉曹櫟陽令生遙元璿博州刺史生遇元智恒王傳生進

旅

漢高帝功臣有昌平侯旅卿

案漢表作昌圉侯

傳封六代又

共侯旅罷師傳封四代又共通云周大夫子旅之後

汝

尚書有汝鳩汝方左傳晉大夫汝寬汝齊漢長水校

尉汝隨

潁川 後漢書孝子傳有汝郁

處

漢書云藝文志趙有辯士處子著書風俗通漢處興

為北郡太守

潁川 晉書處枉又陳留相處就並潁川人

沛國 晉有周馥母沛國處氏

所

風俗通宋大夫華所事之後漢有諫議大夫所忠武帝時人

平原 後漢有所輔平原人小史父奉郎中

楚

風俗通芊姓鬻熊封楚以國為姓左傳魯有楚尹楚邱趙襄子家臣楚隆

莒

伯益之後封莒為楚所滅以國為姓

呂管

英賢傳漢呂管都尉呂管次祖中山人

呂相

秦相呂不韋本陽翟賈人子孫因以氏焉

楚季

世本楚若敖生楚季因氏焉陳大夫有楚季融

楚邱

新序楚邱先生孟嘗君時人也

莒子

春秋時莒子失國子孫氏焉

九麋

武

周平王少子生而有文在手曰武遂以為氏漢初武臣為趙王又有武涉功臣表梁鄒侯武彪傳封六代

後居沛國

沛國 武彪裔孫周魏南昌侯生陔晉左僕射薛侯
五代孫洽魏晉陽公始封居太原永水或號太原武
氏洽曾孫居常北齊鎮遠將軍生儉永昌王諮議儉
生華隋東都丞華生士稜士讓士逸士驥士稜唐司
農少卿宣城公生君雅君雅生敬真崇真崇真太子
洗馬士讓唐太廟令路公生惟良懷道惟良衛尉卿
生攸宜攸緒攸宜雍州刺史都官尚書攸緒揚州長

史隱嵩山神龍中拜太子賓客巢公徵不起景雲中
封安平王亦不拜生君訥懷道左監門長史生攸暨
攸寧攸寧春冬夏尚書納言建昌王江公岐州刺史
生文瑛荀瑛攸暨駙馬司禮卿定王司徒楚公生崇
敏崇行崇敏宗正卿上黨王崇行國子祭酒懷運淄
州刺史生攸歸攸止攸望攸歸九江王宗正卿孫良
臣商州刺史攸止恒安王司賓卿女元宗惠妃追封
貞順皇后攸止子昕忠信忠鴻臚卿信秘書監攸望

會稽王少府監察公孫徹洋州刺史士逸韶州刺史

六安縣公生志元仁範安業志元倉部郎中生懿宗

嗣宗懿宗河內王殿中監汴魏州刺史神兵道大總

管生瑾瓌仁範雲陽令生尚賓重規載德尚賓河間

王益府長史重規高平王司禮卿神龍朔方大總管

禮部尚書生成節成藝載德潁川王殿中監右千牛

大將軍生平一敬一平一考功員外郎生集備就登

集梓州刺史備殿中御史生元衡門下侍郎平章事

欽定四庫全書

元和姓纂

三

成都尹登生儒衡殿中御史思元一名安業零陵令

追封渤海王生求已太僕少卿士龔唐工部尚書利

荆二都督應國公卒贈司徒周國公又贈太師太王

太后追崇魏王云女為則天皇后生中宗睿宗龔子

元慶元爽元慶宗正少卿生審思再思三思審思追

封申王再思宮門郎追封蔡王三思梁王夏春天三

尚書內史神龍司空同三品降德靜為節愍太子所

殺生崇訓崇謙崇烈崇撫崇操崇訓駙馬太常卿太

子賓客生繼植左衛將軍崇謙光祿卿梁公崇烈尚

乘奉御元爽虞部郎中少府少監生承嗣魏王春天

二尚書納言文昌左相實封一千三百一戶生延基

駙馬右羽林將軍鄭公延安光祿卿邢公延壽衛尉

少卿燕公延秀駙馬太常少卿桓公案唐世系表作恒公承業

陳王左驍衛大將軍生延暉駙馬陳公羽林衛將軍

孫暉斌承業次子延祚光祿少卿鄧公延嘉秘書少

監莒公

欽定四庫全書

元和姓纂

三十一

庚

堯時掌庚大夫以官命氏至春秋時周有大夫庾皮

皮子過邑於緱氏衛有庾公差

潁川後漢始居潁川魏襄城令庾乘生太子中大

夫遁按鄒名世辨證亦作通晉書作道並見晉書遁孫琛晉會稽內

史生亮冰翼亮東晉司空永昌公冰中書監都鄉公

生穆之五代孫衆陳長沙內史孫抱唐太子舍人

新野漢末居南陽後分赭防為新野遂為郡人後

漢司空孟五代孫淄晉遂昌太守長子曾為新野太守百姓生為立祠友孫庾告雲為青州刺史羌胡為之立碑次子庾方方玄孫詵齊徵黃門侍郎不起撰易林孫季才隋均州刺史撰元象志孫安禮唐齊王友修史學士師度胸山令師敬鄂州刺史庾滔少子瑋晉永安太守元孫易南齊司徒主簿有傳生黔婁潺陵令庾肩吾梁度支尚書生衡信譯掞信開府洛州刺史義城侯生立真隋逸樂令立真生威士唐翊

衛開元徵士齊人云衡之後也又家秦陵生先光烈
先吏部侍郎荊府長史採訪使生憑伾準伾侶伾開
州刺史準尚書左丞江陵尹荊州節度使生承恭承
慶承邕承師承恭萬年縣尉伾宋州刺史鴻臚卿生
承歡承初承歡大理評事侶左補闕生承宣度友員
外光烈職祠部郎中大理少卿生何倬何左司郎中
彭州刺史生威員外郎湖州刺史威生敬休左拾遺
敬休生道蔚翰林學士倬大理正秘書少監致仕倬

生簡休工部侍郎左散騎常侍

輔

左傳晉大夫輔黶本出黃帝之後風俗通云智果以

智伯剛愎必亡其別輔氏漢有輔狼為尚書令

按漢有尚

書令輔狼此作狼不同糧亦俗字疑並誤

河東有此姓

襄陽 蜀志有右將軍輔果字元弼姚秦錄有始平

太輔光又東鄉侯輔鑒

補

古金字人姓也見纂要文

羽

左傳鄭大夫公孫揮之後生羽頡漢有俠士羽公

河南魏官氏志拂羽氏後改姓禹氏

禹

風俗通云夏禹之後支庶以謚為姓王僧孺百家譜
云蘭陵蕭道游娶禹氏女

豎

左傳鄭有豎拊齊有豎刁晉有豎頭須並閭寺賤者
子孫氏焉

主

主父偃之後或單姓主氏今同州有此姓

萬

漢有萬章長安人急就篇萬段卿

宇文

出本遼東南單于之後有普迴因獵得玉璽以為天

授鮮卑俗呼天子為宇文因號宇文氏或云以遠係
炎帝神農有嘗草之功俗呼草為俟汾音轉為宇文
河南洛陽 後魏拔陵陵為前燕駙馬元菟公生
系位至後魏內阿干生二子韜阿頭韜生肱顓泰周
文帝泰西魏大丞相大冢宰安定公生覺毓邕震直
憲純盛達通適閔帝覺生康紀王明帝毓生賢畢王
武帝邕生贊贊贊允允文宣帝贊生衍術靜帝衍禪
隋周四代五帝二十四年震宋公直衛王憲齊王大

冢宰生貴質實負趙王儉譙王純陳王通冀公適滕

王顥贈邵公生什肥導護什肥生胄邵公導幽公生

廣護太師大冢宰晉陽公生連杞公生元寶

按北周書作光

寶

阿頭孫興大宗伯生洛封介公洛生裕裕生延延

生離惑惑生庭立並襲介公立生邈御史中丞平昌

公弓丞拔拔陵陵少子目原目原元孫勤後魏比部

尚書生賢賢生漳

案唐世系表漳作璟

漳生攷隋禮部尚書攷

生儉紹儉生節唐侍中節生嶠萊州刺史嶠生融黃

門侍郎平章事融生寬寧審寬戶部員外郎生炫刑
部郎中紹水部員外拔南環後魏大司徒居武川生
中山普陵中山內史太官順陽公生逗顏孫永生深
安化公周京兆司會中大夫生孝伯明達孝伯少冢
宰生歆元瑜白澤歆右衛將軍生思純州刺史白澤
生仁簡夏州都督明達大僕卿生悅珍悅孫永貴周
大司徒許公生忻愷忻隋上柱國生運唐左領軍生
儉懷志懷義儉比部郎中懷志洋州刺史懷義生楷

左軍將軍愷隋工部尚書安平公生儒童孫有意
膳部郎中兗州刺史珍孫虬南安公虬孫業唐太僕
少卿普陵曾孫和生神舉神慶神舉周并州總管生
誼誼生珽職方員外生敞戶部郎中神慶隋梁州總
管汝南公曾孫瑛蔡州刺史孫顥美原令生準準
辰州刺史

濮陽宇文

本武川人姓費已頭氏

案唐世系表作費也頭氏屬

鮮卑佚豆歸

按北周書作侯豆歸

後從其主姓亦稱宇文氏後

魏時代為沃野鎮軍主豆歸元孫盛盛生歸述靜歸

生定及唐德州刺史定及生規光祿少卿孫影

按唐世系

表影作實好時令宿均州刺史述隋右翊大將軍生化及

智及士及化及隋太僕卿篡逆與智及並為竇建德

所殺士及唐中書令蒲州刺史郢公靜生福及福及

孫全志工部員外堂姪順虞部員外生憲憲生巘

中山唐虞部員外和州刺史宇文守直本河南人

後居中山

武安

漢將白起封武安君因氏焉漢有千乘侯武安恭

武城

風俗通趙平原君勝封武城因氏焉

武彊

漢二十八將王梁封武彊因氏焉

武仲

臧武仲之後

武羅

夏武羅國之後

甫奚

英賢傳晉厲公大夫甫奚叔施之後龍驤將軍甫奚

置

豎侯

左傳曹有豎侯孺宋大夫豎侯息

羽弗

改為羽氏

主父

趙武靈王主父之後

庾采

莊子庾采楚之後

十姥

杜

祁姓帝堯裔孫劉累之後在周為唐杜成王滅唐遷

封於杜杜為宣王所滅杜氏分散魯有杜泄是也六國時有杜赫

京兆 漢御史大夫周本居南陽以豪族徙茂陵子延年又徙杜陵延年孫篤入後漢文苑傳篤曾孫畿河東太守生恕宏農太守生元凱晉荊州刺史征南大將軍當陽侯長子錫曾孫慙生楚秀秀元孫果後周義興太守當陽侯次子尹尹六代孫顥西魏安平公始平公攢後漢度支尚書生士峻士琳士峻孫瓌

之比部郎中楚州刺史士琳孫延福生元逞元道元
逞元逞房州刺史生行成有鄰行成生春宋昌春吉
州刺史右庶子有隣侍御史贊善大夫元道將作少
匠生昆吾仲連昆吾防州刺史仲連太原令元逞左
庶子須王傳攢弟勝孫周則周夏官上士生利仁超
利仁兵部郎中超左司郎中義興公果隋兵部尚書
兄瞿隋懷州刺史生吒淹吒隋昌州司馬生如晦楚
客案唐書如晦傳祖果此作
果兄瞿之後與史不合如晦吏部尚書左僕射

侍中蔡成公生構荷構慈州刺史荷駙馬尚衣奉御

襄陽公楚客工部尚書蒲州刺史淹御史大夫知政

事吏部尚書吉襄公生敬同愛同敬同中書舍人東

陽公生從則工部侍郎從則生自遠昌遠志遠自遠

生佐大理正案唐世系表自遠生繁繁生佐與此不合佐生元穎元絳元

穎協律郎平章事西川都督案唐書元穎傳元穎以學士承旨同平章事此

協律郎三字疑有脫誤生審禮京兆少尹元絳生審權平章事

浙江節度生讓能彥林宏徽讓能太尉宏徽吏部尚

書彥林中書舍人生用礪昌遠生倚左衛將軍志遠
生倬儋愛同兵部員外易州刺史安平公顥雍州刺

史贈太尉生景秀景仲景恭景仲生孝彞孝獎孝弇

按唐世系表景仲生整
整生孝彞等與此不合

孝彞曾孫惟慎

按唐世系表
曾孫作孫

監察御史孝獎撫州刺史孝弇生元琰左金吾將軍

景秀後周渭州刺史生懿隋禮部侍郎殿內監甘棠

公懿生乾福乾祐乾祚乾福生崇允嗣及崇允成州

刺史生正儀正心正儀生望之漆州刺史正心生昇

南榮

案唐世系表正心生齊之齊
之生南昇南榮與此不合

昇京兆功曹南榮

長安主簿嗣及青州刺史乾祐生續主客郎中續生

知讓知謙知讓生慮惠慮生隋果州刺史惠生濟給

事中京兆尹知謙天官貲外邢州刺史乾祚曾孫操

案唐世系表
曾孫作孫

殿中御史生謙謙生行敏常州刺史荆

益二長史南陽襄公生崇懿恒崇懿宮尹承判左司

貲外生希望太僕卿隴右節度恒分判刺史生位侶

佑任供巨卿位考功郎中湖州刺史生液侶詹事司

直任河南兵曹參軍佑左僕射平章事司徒岐公太

保致仕生師損式方從郁師損工部郎中司農少卿

式方昭應令生棕駙馬平章事須公

案唐書棕傳棕封郊國公此須

字悞

淮南西川節度棕生喬休儒休從郁駕部員外生

牧顓牧中書舍人生承澤晦辭德祥晦辭左補闕德

祥御史中丞禮部侍郎顓淮南節度判官供洪州長

史巨卿兼監察御史顓少子景恭廓州刺史康成公

生德祐

按唐世系表顓少子景恭生德祐與此不合

殿中少監安衆公生

敬則敬則生元同元志元振元同萬年尉生彥先率
更令元志考功郎中杭州刺史生逢時縉孝輔恭謨
嶠逢時生伯卿緯殿中御史生繼信刑部員外杭州
刺史孝輔大理丞生虔興賢應鸞清虔大理司直清
檢校員外生師仁師義師禮師仁吉州刺史生湘參
謨陝州司倉生寅倫寅京兆法曹倫水部郎中澧州
刺史嶠監察御史元振生諒誠長廣公整承漢文學
生篤篤十二代孫闢渭州刺史整隋左衛將軍生楷

楷生元義元逸元景元義侍御史元逸司門郎中元
景密州刺史整姪德致眉州刺史漢陽公敦延年之
後至後魏耒陽太守登孫良周熊州刺史生敦隋鄭
州刺史敦生宏宏生爽駕部郎中爽生進思陽侯少
子躋新平太守曹苻秦太尉生疑秦秘書監疑生詮
後魏中書侍郎

襄陽 當陽侯元凱少子耽晉涼州刺史生頤西海
太守生遜過江隨元帝南遷居襄陽遜官至魏興太

守生靈啓乾元靈啓生懷瑀懷瑤懷瑒六代孫文範
唐中書舍人御史中丞懷瑤蔡州刺史生岑巖巖從
岸前幼定從梁西荊州刺史岸梁州刺史前江州刺
史前生中規孝友友孫行紀行繹行紀曾孫某河南
尉荊州刺史巖梁州刺史兄弟父伯並梁州有傳孫
懿宗唐吏部員外乾元孫叔毗周峽州刺史生廉卿
憑石安石魚石黃石憑石生依德蓬州咸安令生易
簡考功員外安石生賢倉部郎中魚石生依藝鞏縣

令依藝生審言膳部員外審言生閑武功尉奉天令
閑生甫檢校工部員外甫生宗武宗武生嗣業貧無
以給葬收拾乞丐云甫沒四十年啓子美柩祔於偃
師惇六代孫恒隋水部郎中生安期唐亳州刺史安
期生利賓雍州司法

中山 與京兆同承魏僕射杜畿後家中山裔孫弼
北齊徐州刺史生挺隋治中御史生功瞻臺卿功瞻
隋著作郎生之松之亮之元之松唐許州刺史之亮

司勳員外生休纂延昌休纂淄州刺史延昌孫朗太
子洗馬臺卿北齊黃門侍郎

濮陽 狀稱與京兆同承杜赫之子威世居濮陽陳

留太守杜亮生保保生伽伽生義博

案唐世系表亮生伽伽生保保

生義博與此不合

義寬義博生端人

案唐世系表端人作仁端

端人生元

揆天官負外生希彥右補闕太子洗馬生華萬檢校

郎中義寬滕王諮議生無忝慎言承志無忝生兼授

兼極

案唐世系表兼授作兼愛兼極作兼極

孫順休兼殿中御史兼極

少子鎮起居郎荊州長史建平侯

按唐世系表載荊州長史慎行又據

元載作杜鴻漸碑文亦云大父慎行為荊州長史此下應有慎行二字

生鵬舉安州都

督生鴻漸中黃二侍郎平章事衛公生收威封鼎收

戶部郎中廬州刺史生翁慶鼎丹王長史承志天官

負外生暹昱暹黃門侍郎平章事禮部尚書生孝友

孝孫孝恭孝友御史中丞殿中監昱給事中孝恭孝

孫並無位

按唐世系表孝孫無官孝恭殿中侍御史

洹水 狀稱與京兆同承延年後石趙時從事中郎

杜曼始家鄴後徙洹水七代孫君賜隋樂陵令生正
元正藏正倫正儀正德正藏唐長安尉生僑僑生咸
損咸工部郎中正倫中書黃門侍郎同三品度支員
外尚書中書令襄陽公

京兆 唐武衛將軍杜德仁右補闕杜挺生正初正
元正元奉天令隋復州刺史杜文瑤並云義興公果
同房芳州刺史杜元侃元孫暹右羽林將軍將作少
監鄜州刺史兼御史中丞杜冕並云始平公房

陝郡 後魏廣武太守杜德云當陽侯之後曾孫賁
陟生善賢賢意善賢綿州刺史賢意涪州刺史

安德 狀云延年之後徙平原唐司勳郎中杜文紀
生慎盈國子司業文紀孫昭烈虞部郎中

扶風郿縣 唐宗正少卿杜令怡孫沔崔

偃師 狀云本京兆人唐禮部侍郎嗣光孫漆之兵
部郎中漆之生長文漆之堂姪確河中節度

成都 魏初杜雄入蜀因家焉子輔

河東 狀云延年後屯田貢外杜頌名犯諱又給事
中杜賓王又補闕杜顏右驍衛將軍杜賓客生右庶
子台賢刑部郎中杜敏並云京兆人

齊郡 狀云延年後皇太子太保行臺尚書令吳王
杜威賜姓李氏生德雋右驍衛將軍宿國公

醴泉 檢校右僕射節度杜希全生叔良兼御史中
丞全弟希進右神策將軍又振武都護兼御史大夫
杜從政河東人鹽州刺史兼御史大夫杜彥先

河南 後魏書官氏志獨孤渾氏改姓杜氏

魯

周公子伯禽封魯至頃公三十四代九百餘年為楚
所滅子孫以國為氏漢魯賜碭人也後漢中牟令魯
恭魏有魯芝

扶風郿縣 魯芝官至荊州刺史又晉光祿大夫魯
褒

新蔡 魯恭十代孫澄永嘉亂居江州新蔡五代孫

裴齊衡州刺史生益之梁義陽太守生廣達陳侍中
齊將軍綏越公生廣陳子諒子訥子謨子諒唐荊州
司馬子謨幽州錄事參軍

祖

子姓殷後殷王祖甲祖乙祖丁支庶因氏焉殷有祖
已祖伊漢有祖所治家涿郡范陽祖太沂裔孫訥祖
逃生約並見晉書後漢太常選十三代孫詢禕詢元
孫晉義陽太守耶訥從祖弟也元孫曠廷尉卿生溫

敏溫生紹紹生慶曾孫崇儒北齊鴻臚卿臨川公生
孝孫孝基孝壽孝孫唐吏部郎中太常少卿生光
孝基給事中司農少卿孝壽孫流謙秘書郎順五代
孫德瑋撫州刺史生敏敏生季真後魏鉅鹿太守生
瑩右僕射生孝徵北齊左僕射生君彥

京兆 狀稱與范陽同出沂後魏有祖平從孝武入
關官至武州刺史生大通大通生孝義元規元軌元
規生莊莊生夙成殿中御史夙成生自虛元軌疊州

刺史大通次子孝紀生頴主客員外頴生愔司階愔
生詠有才名修武德實錄

古

風俗通古公亶父後因氏焉晉平公時舟人古乘蜀

志漢廣功曹古牧

河內 北齊中散大夫古起起子道隋兵部侍郎

按古

道子傳父起魏太中大夫道子仕齊歷官檢校御史
司空田曹參軍此以起為北齊中散大夫起子道隋

兵部侍郎俱誤

河南 官氏志吐奚氏改為古氏

扈

夏時姒姓國也漢有扈輒又上郡太守扈育廣陵太守扈商

京兆 魏有扈累晉有射聲校尉扈懷

河南 官氏志扈地干氏改為扈氏

南昌 唐扈臧之後元昌倉部員外

五

本伍氏避仇去人氏焉蜀五梁晉始興太守五允

堵

左傳鄭有堵寇堵叔堵俞彌堵汝父又音者魏志張
燕本姓堵

普

官氏志後魏獻帝次兄為普氏改為周氏

苦

晉郤犇亦號苦成叔子孫氏焉風俗通苦成越大夫

漢苦均為會稽太守苦音庫

鼓

左傳鼓子爲鞮之後以國為姓又見姓苑

浦

晉起居注有尚書令浦選

補

見姓苑

五鳩

世本云楚鳩氏國語楚昭王時有五鳩蹇

五里

其先齊諸田漢武帝徙之諸田以門秩次第為族田

廣田孫田登為第二代人

案此下疑有脫誤

五鹿

左傳云少昊氏因官氏焉

案左傳無其地五鹿衛地

趙有將軍五

鹿盧

吐萬

代人代為部落酋帥

河南 周郢州刺史通生緒永壽公弟績右武侯將軍已見萬氏注

吐奚

後魏古弼代人本姓吐奚名華後為司徒賜姓古名弼

吐賀

後魏吐賀氏

吐突

代人今中官右監大將軍吐突承瓘

吐難

改為難氏

古成

風俗通即古咸之後隨音改焉漢有廣漢都尉古成
雲姚興給事中黃門侍郎古成說右將軍古成知晉
袁宏集有南海太守古成延開元中雲陽尉古成蔓

古野

山東古野氏赤秋別種其後氏焉

古孫

賈孫氏後譌為古孫氏

苦成

晉卿郤犇食采苦成因氏焉潛夫論苦成城名在鹽

池東北

苦久

後燕步兵校尉苦久和

案後燕錄作若久和此作苦久和

忤城

晉州稽胡晉初賜姓呼延居西州後魏正始年呼延勒為定州刺史於定陽賜姓忤城因住南汾州忤城縣音訛轉又為賀悅

魯陽

姪姓國也在魯陽為魯所滅子孫氏焉潛夫論芊姓楚公族有魯陽氏

祖南

風俗通與社南皆齊倡也漢高陽娶扶風祖南氏

補祿

英賢傳補祿子著書一篇言法家事

吐谷渾

魏晉之際鮮卑慕容廆兄吐谷渾率部落止青海之西國號吐谷渾或歸中國因氏焉

古口引

改為侯氏

普六茹

周書楊忠姓普六茹疑與普陋茹同

十一齋

禮

左傳衛大夫禮孔禮至漢新市長禮賢

平原 後漢禮震受尚書於歐陽歙

啟

夏后啓之後以王父字為氏後燕有將軍啓崙

按啓崙急

就章作啓篇

十二蟹

解

晉大夫解孤之後其先食采於解因氏焉漢有御史

大夫解延年司隸校尉解光

濟南 晉雍州刺史解系系弟結結孫旆唐御史大

夫濟南男解琬鴈門人徙家魏州職方員外郎解忠

順魏州貴鄉人

河南 後魏官氏志解毗氏改為解氏

解瑟羅

改為羅氏

可足渾

前燕錄慕容皝皇后可足渾氏又有散騎常侍可足渾恒後燕城陽太守新汲侯可足渾健生譚新平公渴燭渾可足渾疑並與可朱渾同隨音轉耳

可朱渾

出自代北又居懷朔隨魏南徙河南後魏都官尚書
樂陵公可朱渾昌生道元北齊太傅太師扶風忠烈
王生孝裕長威孝裕北齊大將軍生貴公貴公生君
招長威生定遠唐右領軍右常侍懷州刺史生懷儼

懷敏

案北史道元子名長舉襲父爵
此誤道元魏臣云北齊亦誤

十四賄

隗

春秋時翟國隗姓子孫因氏焉

天水成紀 漢末隗義弟崔崔兄子囂更始御史大夫鄧禹承制以為西州大將軍專制涼州朔方事光武征隗會卒王元立其子純明年降

汝陰 晉有隗紹善易

十五海

海

見姓苑

采

黃帝封其子於右北平采亭因氏焉

北平

漢渡遼將軍采皓見英賢傳晉東莞太守采

耿至隋漁陽郡主簿采強狀云耿之後也生宣明公

敏宣明給事中刑部侍郎生懷敬懷敬吏部郎中宗

正少卿生庭芝蘭芝公敏黃門侍郎生泰眷右金吾

將軍相州刺史

宰

周大夫宰周公孔之後以官為姓仲尼弟子宰予字子我魯人也漢有司空掾宰直

宰氏

范蠡傳云陶朱公師計然姓宰氏

案徐廣注計然姓宰氏名鉞其先晉

國之公子也此作姓宰悞為複姓又悞

字文子葵邱濮上人

宰父

仲尼弟子有宰父黑

倍利

斛律部別帥倍侯利代人後封孟都公

案倍侯利即斛律金之高

祖蓋後又分為斛律氏

十六軫

軫

左傳軫國在楚之東南楚屈瑕將盟貳軫注云二國也

十七準

尹

少昊之子封於尹城因氏焉風俗通云師尹三公官也
以官為姓漢尹咸尹賞尹齊後漢尹敏晉尹奉

天水

姚秦謨謀主尹緯又西海太守尹玖生猛晉

昌太守又居京兆六代孫惠唐寧州司馬生恩貞刑
戶二部侍郎御史大夫戶部尚書天水公生中和中
庸中言中和庫部郎中國子司業中庸平原安定等
三郡太守信王傳司正中言京兆府司錄後魏燕郡
太守尹思曾孫景同浙州刺史生徹隋梓州長史生

元備左武侯郎將

河間 稱尹敏之後魏趙州刺史尹虛曾孫軌隋貝
州刺史上蒙公生勢唐嘉州刺史生仁宏仁德仁宏
潞州司馬長樂公生元叔元貞元凱元貞生日昇鄭
州刺史光祿少卿元凱左史鳳閣舍人仁德吳王戶
曹生元繹元超元徽子羽子產子羽洛陽丞宣州別
駕子產澧州刺史元徽比部郎中楚州刺史後魏太
子洗馬尹翼六代孫朗生正理左拾遺商州司馬正

義度支郎中宋州刺史

樂城 後魏太學博士尹珍孫式隋長寧王長史生

文憲中書舍人給事中生與祠部郎中給事中又禮

部員外尹知章絳州翼城人尹格之後又有古尹姓

之戎居瓜州

按古今人表有堯師尹
壽又左傳作允姓之戎

允

允格之後

尹午

楚大夫囂尹午之後又楚大夫尹午子叔

二十阮

阮

殷有阮國在岐渭之間周文王侵阮徂恭見毛詩子孫以國為姓

偃

少昊孫咎繇生於曲阜是為偃姓國語云舒庸舒鳩並偃姓也

圈

風俗通云楚鬻熊之後一云本姓卷氏鄭穆公之後
秦末為博士避難改為圈氏

陳留 後漢末有圈稱字幼舉撰陳留風俗傳又有
圈宣明郭林宗傳有陳人圈文

卷

琅邪 陳留風俗傳云陳留太守琅邪卷焉本姓圈
氏因避仇改去口

婉

古萬字人姓見纂要文

偃師

出自媯姓陳悼太子偃師為公子招所殺喬孫以王父字為氏



元和姓纂卷六